

編號 6 號

【大黃狗膠烏斑貓】曾菁怡原作

莊下人大體都會畜狗來掌屋，畜貓仔來捉老鼠。佢屋下也共樣，畜一條大黃狗膠歸群花喇必駁个貓仔。毋過，狗係確確實實畜等，逐餐都膠佢兜共下食；貓仔嘅係看佢个心情來去，成時飯桌下七、八條跔等、橫等；成時斯伸一條白底烏斑个老貓嫲。

佢屋下膠隔壁鄰舍離當遠，照佢細人仔行路个時間，差毋多愛半點鐘久。佢無恁煞猛行路去尋搞寮伴，所以屋下个大黃狗膠烏斑貓就係膠佢做伴、搞寮个朋友。

聽阿婆講，大黃狗係阿公用一斤冰糖膠人換轉來畜个，正來該下還係半大細个狗子。這條狗牯活潑好搞，逐日就在佢脣頭掀扳轉。佢膠佢比賽走相追，聽著佢喊「預備」該下，佢也知愛伏等；聽著「開始」，佢還正經會飆出去，實在當生趣！大黃狗做搞寮伴已做得，但係做保鏢就毋及格咧。

有一擺，阿婆畜个大火雞走出來，一看著佢兜像看著冤仇人樣，烏色个雞毛膨到像圓球，面紅濟炸，還「咕嚕咕嚕……」喊無停，越逼越近。佢話著大黃狗會行出去大聲吠，膠該群火雞嚇

走。無想著，佢嘅走到尾瀉屎，毋知因到哪位去咧？佢在心肝肚發誓：「下二擺，餅仔絕對無愛分佢食咧！」

烏斑貓從佢有印象開始，就生活在佢屋下，用貓仔个年齡算法，佢个歲數做得做阿婆咧！烏斑貓个性情已好，毋會搶食，也無看過佢膠別條貓仔相打。食飽咧，佢會尋一隻鬆爽个地方啄目睡；睡飽咧，就伸一下懶筋、擘一下嘴，膠自家个毛舐淨來，正出去行寮。毋好看佢食得、寮得，佢係一條當顧家个貓嫲。

有一日暗晡，烏斑貓在暗摸胥疏个禾埕噉滾，屋下人聽出這叫聲無共樣，擎手電筒行兼去看，嘅看著烏斑貓掌在一尾有佢手牌棍恁粗个飯匙銑脣頭。好得有這條大膽个貓嫲，正無分該危險个蛇哥趁落屋肚去。

大黃狗膠烏斑貓毋單淨係佢个搞寮伴，也像佢个屋下人共樣，當有感情。佢識聽先生講過，狗、貓仔个壽命無人恁長，成時想著大黃狗膠烏斑貓有一日會先離開，佢个心肝頭就像分石頭砣等，試著心酸酸仔，敢講這就係毋盼得个感覺？